

საქართველოს შრომის, ჯანმრთელობისა და სოციალური დაცვის
სამინისტრო



WWW.MOH.GOV.GE

საქართველოს შრომის, ჯანმრთელობისა და სოციალური დაცვის სამინისტროს მიერ
ბეჭდვასა და მასთან დაკავშირებული მომსახურებების სახელმწიფო შესყიდვის
გამარტივებული ელექტრონული ტენდერის

ს ა ტ ე ნ დ ე რ ო დ ო კ უ მ ე ნ ტ ა ც ი ა

(CPV 79800000)

თბილისი 2016 წელი

ს ა რ ჩ ე ვ ი

1. ინსტრუქცია ტენდერში მონაწილეთათვის - 3 გვ.
2. ტექნიკური დავალება - 4 გვ.
3. სახელმწიფო შესყიდვის შესახებ ხელშეკრულების ფორმა - 5 გვ.
4. დამატებითი ინფორმაცია - 8 გვ.
5. დანართი №1, რეკვიზიტები - 9 გვ.
6. ფასების ცხრილი (დანართი №2) -10 გვ.

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის და „გამარტივებული ელექტრონული ტენდერის და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2. გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3. ხელშეკრულების ფორმა და პირობები მოცემულია სატენდერო დოკუმენტაციაში.

1.4. პრეტენდენტს არა აქვს უფლება წარმოადგინოს ალტერნატიული წინადადება.

1.5. ანაზღაურება „მიმწოდებელთან“ განხორციელდება მის მიერ ფაქტობრივად გაწეული მომსახურების მიხედვით, შესაბამისად ხელშეკრულების მოქმედების ვადის ამოწურვის მომენტისათვის ხელშეკრულების საერთო ღირებულებიდან გამოუმუშავებელი თანხა დარჩება „შემსყიდველთან“ და იგი არ წარმოშობს მხარეებს შორის რაიმე დამატებით ვალდებულებებს.

1.6. იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, ყოველი კონკრეტული შემთხვევიდან გამომდინარე, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. შემსყიდველი ორგანიზაცია უფლებამოსილია, დასაბუთებული გადაწყვეტილებით, უარი თქვას ფასწარმოქმნის ადეკვატურობის დასაბუთების მოთხოვნაზე.

1.7. აღნიშნულ გამარტივებულ ელექტრონულ ტენდერში მონაწილეობით პრეტენდენტი ადასტურებს, რომ სრულად ეთანხმება ამ კონკრეტული გამარტივებული ელექტრონული ტენდერის სატენდერო განცხადებითა და სატენდერო დოკუმენტაციით მოთხოვნილ პირობებს.

1.8. პრეტენდენტის მიერ, სისტემაში ასატვირთი სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

- ა) პრეტენდენტის რეკვიზიტები, სატენდერო წინადადების მოქმედების ვადა, ანგარიშსწორების პირობები, სატენდერო დოკუმენტაციის დანართი №1-ის მიხედვით.
- ბ) გასაწევი მომსახურების ერთეულის ფასი და საერთო ღირებულება სატენდერო დოკუმენტაციის დანართი №2-ით გათვალისწინებული ფორმის, ფასების ცხრილის შესაბამისად.

2. ტექნიკური დავალება

N	შესყიდვის ობიექტის დასახელება	რაოდენობა (წლის განმავლობაში)	მასალა	შესყიდვის ობიექტის მახასიათებლები
1	სავიზიტო ბარათი (vip)	2 500	(vip) 300 გრ. ტილო (ფაქტურიანი ქაღალდი)	ბეჭდვის ტიპი 4*4, სამინისტროს ლოგო ამოზურცული, ემბოსირებული
2	სავიზიტო ბარათი	5 000	300 გრ. ქაღალდი ცარცი, მატი	ბეჭდვის ტიპი 4*4
3	რუქა N1, ფორმატი: A3; ფურცლების რაოდენობა - 6;	1	ქაღალდი: 170 გრ. მატი;	ბეჭდვა - 4*0; აკინძვის მეთოდი - ზამზარა; ბეჭდვის მეთოდი (ციფრული, ან ოფსეტი)
4	რუქა N2, ფორმატი არასტანდარტული, ზომა: სიგანე -110 სმ, სიმაღლე - 80 სმ;	2	ქაღალდი: 200 გრ. მატი;	ბეჭდვა - 4*0; ბეჭდვის მეთოდი (ციფრული, ან ოფსეტი)

2.1. მიწოდების ვადები: ხელშეკრულების გაფორმების შემდეგ 2016 წლის განმავლობაში ეტაპობრივად, შემსყიდველის მოთხოვნიდან 3 (სამი) სამუშაო დღის განმავლობაში, 2016 წლის 10 დეკემბრის ჩათვლით.

2.2. მიწოდების ადგილი: დამზადებული პროდუქციის მოწოდება განხორციელდება შემსყიდველის მისამართზე, ქ. თბილისი, წერეთლის გამზ. N144.

2.3. ანგარიშსწორების წესი

2.3.1. ანგარიშსწორება განხორციელდება ეტაპობრივად, ფაქტიურად გაწეული მომსახურების შესაბამისად, უნაღდო ანგარიშსწორებით ლარში, შესაბამისი მიღება-ჩაბარების აქტის გაფორმებიდან და მიმწოდებლის მიერ შემსყიდველისათვის საქართველოს კანონმდებლობით დადგენილი საგადასახადო დოკუმენტაციის წარდგენიდან 10 კალენდარული დღის ვადაში.

2.3.2. წინასწარი ანგარიშსწორება არ გამოიყენება.

შენიშვნა: 1. გასაწევი მომსახურების განსახორციელებლად საჭირო დიზაინის მიწოდება განხორციელდება შემსყიდველის მიერ;

2. მე-3 პოზიციზე მითითებულ რუქებს ესაჭიროება თავფურცელი წარწერით - პერინატალური მოვლის რეგიონალიზაციის რუქები;

3. რუქების და სავიზიტო ბარათის ნიმუშები ატვირთულია ერთიან ელექტრონულ სისტემაში.

ხელშეკრულება სახელმწიფო შესყიდვის შესახებ N (პროექტი)

თბილისი

2016 წ.

1. ხელშეკრულების დამდები მხარეები:

ერთი მხრივ: საქართველოს შრომის, ჯანმრთელობისა და სოციალური დაცვის სამინისტრო ს/კ N211333957 (თბილისი, 0119, წერეთლის გამზ. N144; საბანკო რეკვიზიტები: სახელმწიფო ხაზინა, ბ/კ NTRESGE22; ა/ა N200122900) ----- სახით (შემდგომში „შემსყიდველი“) და მეორეს მხრივ: ----- ს/კ N ----- საბანკო რეკვიზიტები: ----- მისი დირექტორის ----- სახით (შემდგომში „მიმწოდებელი“)

2. ხელშეკრულების საგანი

2.1. შემსყიდველმა განახორციელა შესყიდვა გამარტივებული ელექტრონული ტენდერის საშუალებით, საქართველოს შრომის, ჯანმრთელობისა და სოციალური დაცვის სამინისტროს 2016 წლის ასიგნებების ფარგლებში, ბეჭდვასა და მასთან დაკავშირებული მომსახურებების სახელმწიფო (CPV79800000) შესყიდვა. რაზედაც მიმწოდებელმა აიღო ვალდებულება გაუწიოს შემსყიდველს მომსახურება ----- (-----) ლარად დამატებითი ღირებულების გათვალისწინებით (შემდგომში ხელშეკრულების ღირებულება).

3. შესყიდვის ობიექტის მახასიათებლები

3.1. ბეჭდვითი მომსახურების შესყიდვა, სატენდერო დოკუმენტაციის მოთხოვნის შესაბამისად.

4. მომსახურების გაწევის პირობები

4.1. მომსახურების გაწევა განხორციელდება 2016 წლის 10 დეკემბრამდე ეტაპობრივად, შემსყიდველის მოთხოვნიდან არაუგვიანეს 3 (სამი) სამუშაო დღის განმავლობაში.

4.2. მიწოდების ადგილი: დამზადებული პროდუქციის მოწოდება განხორციელდება შემსყიდველის მისამართზე, ქ. თბილისი, წერეთლის გამზ. 144.

5. ანგარიშსწორების პირობები

5.1. შემსრულებელთან ანგარიშსწორება განხორციელდება ეროვნულ ვალუტაში.

5.2. შესყიდვის ობიექტის ღირებულების ანაზღაურება მოხდება უნაღდო ანგარიშსწორებით.

5.3. შესრულებულ სამუშაოზე ანგარიშსწორება განხორციელდება ფაქტიურად გაწეულ მომსახურებაზე გაფორმებული მიღება-ჩაბარების აქტისა და ინსპექტირების აქტის საფუძველზე.

6. შესყიდვის ობიექტის მიღება-ჩაბარების წესი

6.1. შესყიდვის ობიექტის მიღება-ჩაბარება განხორციელდება ეტაპობრივად, გაწეული მომსახურების შესაბამისად, ინსპექტირების ჯგუფის ან საამისოდ უფლებამოსილი პირის მიერ მომზადებული წერილობითი დასკვნის საფუძველზე. რაზედაც მხარეთა შორის ფორმდება შესაბამისი მიღება-ჩაბარების აქტი;

6.2. შესყიდვის ობიექტის მიღება-ჩაბარებისთვის მიმწოდებელმა უნდა წარმოადგინოს დეტალური ინფორმაცია გაწეული მომსახურების შესახებ.

7. მხარეთა ვალდებულებები

7.1. „მიმწოდებელი“ ვალდებულია:

7.2. უზრუნველყოს მომსახურების გაწევა წინამდებარე ხელშეკრულების პირობების შესაბამისად.

7.3. დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

7.4. მოქმედი ნორმებისა და წესების სრული დაცვით უზრუნველყოს მომსახურების გაწევა მაღალი ხარისხით და მათი დამთავრება დადგენილ ვადებში.

7.5. განახორციელოს ფინანსური და საბუღალტრო ანგარიშგება მოქმედი კანონმდებლობის ფარგლებში წინასწარ დადგენილი წესის მიხედვით.

7.2. „შემსყიდველი“ ვალდებულია:

7.2.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

7.2.2. უზრუნველყოს „მიმწოდებლის“ ადეკვატური და დროული დაფინანსება ხელშეკრულების პირობების შესაბამისად.

7.2.3. დროულად განიხილოს “მიმწოდებლის” მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

8. მხარეთა უფლება

8.1. “მიმწოდებელს” უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება წარმოდგენილი ანგარიშის მიხედვით.

8.1.2. გადაუხდელობის შემთხვევაში მოსთხოვოს ანაზღაურება ყველა საჯარიმო სანქციით გამოწვეული ზარალისა სახელმწიფო ბიუჯეტთან ანგარიშსწორებისას.

8.1.3. იმ შემთხვევაში, თუ შემსყიდველი ვერ უზრუნველყოფს მიმწოდებლის დაფინანსებას ხელშეკრულების პირობების შესაბამისად, მიმწოდებელს უფლება აქვს შეაჩეროს მომსახურების გაწევა მისი კუთვნილი თანხის მიღებამდე.

8.2. “შემსყიდველს” უფლება აქვს:

8.2.1. აწარმოოს გაწეული მომსახურების ხარისხის კონტროლი.

8.2.2. აწარმოოს შესრულებულ სამუშაოთა ფინანსური და ორგანიზაციული მონიტორინგი.

9. ფორს-მაჟორი

9.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისზეგავლენისაგან.

10. ხელშეკრულების პირობების გადასინჯვა

10.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის მიერ ხელმოწერილი წერილობითი შესწორებების გარდა.

10.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.4 დაუშვებელია ერთეულის ფასის ისეთი ცვლილება, რომელიც გამოიწვევს ხელშეკრულების ჯამური ღირებულების 10%-ზე მეტი ოდენობით გაზრდას.

10.5 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ ასეთი მოლაპარაკებების დაწყებიდან 10 (ათი) კალენდარული დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის

გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულების სპეციფიკურ პირობებში სხვა რამ არ არის გათვალისწინებული.

12. ხელშეკრულების შესრულების შეფერხება

12.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

13. ხელშეკრულების პირობების შეუსრულებლობა

13.1. სამუშაოს შესრულების ვადების გადაცდენის შემთხვევაში მიმწოდებელს ეკისრება პირგასამტეხლო ყოველ გადაცილებულ დღეზე გაანგარიშებით, ხელშეკრულების ღირებულების — %-ის ოდენობით.

13.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

13.3. იმ შემთხვევაში, თუ ვადების გადაცდენისთვის დაკისრებული პირგასამტეხლო ჯამური თანხა გადააჭარბებს ხელშეკრულების ღირებულების — %-ს შემსყიდველს უფლება აქვს შეწყვიტოს ხელშეკრულება.

14. ხელშეკრულების შეწყვეტა

14.1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევაში.

14.2. ხელშეკრულების ცალკეული პირობების მოქმედების შეწყვეტა არ ათავისუფლებს მომწოდებელს ხელშეკრულებით განსაზღვრული ვალდებულებების შესრულებისაგან.

14.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ინსპექტირების პირობები

14.1. ხელშეკრულების შესრულების კონტროლს განახორციელებს საამისოდ უფლებამოსილი ინსპექტირების ჯგუფი ან უფლებამოსილი პირი.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის მხარეთა მიერ ხელმოწერის შემდეგ.

15.2. ხელშეკრულების მოქმედების ვადა განისაზღვრება 2017 წლის 10 იანვრის ჩათვლით.

16. განსაკუთრებული პირობები

16.1. ხელშეკრულება შედგენილია 3 ეგზემპლარად, რომელთაც გააჩნიათ თანაბარი იურიდიული ძალა აქვს.

16.2. ხელშეკრულების ორი ეგზემპლარი ინახება შემსყიდველთან, ერთი მიმწოდებელთან.

17. მხარეთა რეკვიზიტები

„შემსყიდველი“

„მიმწოდებელი“

საქართველოს შრომის, ჯანმრთელობისა და
სოციალური დაცვის სამინისტრო
ს/კ – 211333957
თბილისი, 0119, წერეთლის გამზ. #144.
სახელმწიფო ხაზინა
ბ/კ – TRESGE22 (220101222)
ა/ა – 200122900

4. დამატებითი ინფორმაცია

4.1. სატენდერო წინადადების ღირებულება უნდა მოიცავდეს ამ ტენდერით გათვალისწინებულ შესყიდვასთან დაკავშირებულ ყველა ხარჯსა და კანონმდებლობით გათვალისწინებულ გადასახადებს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.

4.2. სატენდერო წინადადების ღირებულება (ერთეულის და საერთო ფასი) წარმოდგენილი უნდა იყოს ეროვნულ ვალუტაში - ლარში.

4.3. გაწეული მომსახურების ღირებულების დაფარვა მოხდება ტენდერში გამარჯვებულ პირსა და საქართველოს შრომის, ჯანმრთელობისა და სოციალური დაცვის სამინისტროს შორის, გაფორმებული სახელმწიფო შესყიდვის შესახებ ხელშეკრულების პირობების შესაბამისად. მომსახურების შესაძენად საფინანსო (საბიუჯეტო) წლისათვის გამოყოფილი ასიგნებებისა და არსებული მოთხოვნის შესაბამისად.

4.4. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან:

სატენდერო კომისიის აპარატის წევრი: ზურაბ ფესვიანიძე – საქართველოს შრომის, ჯანმრთელობისა და სოციალური დაცვის სამინისტრო (მისამართზე: ქ. თბილისი, წერეთლის გამზ. N144, მე-6 სართული, ოთახი 601. ტელეფონი: (995 32) 2510014 –0703.

1. რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის/ან უფლებამოსილი პირის სახელი და გვარი: _____

პრეტენდენტის იურიდიული ან/და ფაქტიური მისამართი:

პრეტენდენტის ტელეფონის ნომერი:

საიდენტიფიკაციო კოდი: _____

ბანკი და ბანკის კოდი: _____

ანგარიშსწორების ანგარიში: _____

2. **ანგარიშსწორების პირობები:** ანგარიშსწორება განხორციელდება უნაღდო ანგარიშსწორებით ლარებში, ეტაპობრივად, მომსახურების გაწევის შემდეგ, ფაქტიურად გაწეული მომსახურების ღირებულების მიხედვით, მხარეებს შორის მიღება-ჩაბარების აქტის გაფორმებიდან 10 კალენდარული დღის განმავლობაში.

1. პრეტენდენტის სატენდერო წინადადება ძალაშია სახელმწიფო შესყიდვების ერთიან ელექტრონულ სისტემაში წინადადებების მიღების დაწყების თარიღიდან „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

ხელის მოწერა და ბეჭედი _____

(მიმწოდებლის უფლებამოსილი პირის სახელი, გვარი)

ფასების ცხრილი

პრეტენდენტის დასახელება _____

N	შესყიდვის ობიექტის დასახელება	რაოდენობა (წლის განმავლობაში)	მასალა	შესყიდვის ობიექტის მახასიათებლები	ერთეულის ფასი	საერთო ფასი
1	სავიზიტო ბარათი (vip)	2 500	(vip) 300 გრ. ტილო (ფაქტურიანი ქაღალდი)	ბეჭდვის ტიპი 4*4, სამინისტროს ლოგო ამობურცული, ემბოსირებული		
2	სავიზიტო ბარათი	5 000	300 გრ. ქაღალდი ცარცი, მათი	ბეჭდვის ტიპი 4*4		
3	რუქა N1, ფორმატი: A3; ფურცლების რაოდენობა - 6;	1	ქაღალდი: 170 გრ. მათი;	ბეჭდვა - 4*0; აკინძვის მეთოდი - ზამზარა; ბეჭდვის მეთოდი (ციფრული, ან ოფსეტი)		
4	რუქა N2, ფორმატი არასტანდარტული, ზომა: სიგანე - 110 სმ, სიმაღლე - 80 სმ;	2	ქაღალდი: 200 გრ. მათი;	ბეჭდვა - 4*0; ბეჭდვის მეთოდი (ციფრული, ან ოფსეტი)		
ჯამი						

შენიშვნა: სატენდერო წინადადების ფასი უნდა შეიცავდეს შესყიდვის ობიექტის მოწოდებასთან დაკავშირებულ, საქართველოს კანონმდებლობით გათვალისწინებულ ყველა სახის გადასახადს.

პრეტენდენტის ხელმოწერა და ბეჭედი _____